



Dani otvorenih vrata

U novootvorenom predstavništvu preduzeća Teknoxgroup, zvaničnog distributera Caterpillara u BiH, u Laktašima održana je manifestacija „Dani otvorenih vrata“, u okviru koje su izložene neke od najpopularnijih mašina američkog proizvođača, ali i predstavljene nove usluge...

Zvanični distributer Caterpillara na teritoriji Slovenije, Srbije, Hrvatske, Albanije, Crne Gore, Makedonije, Kosova i Bosne i Hercegovine, preduzeće Teknoxgroup organizovalo je manifestaciju „Dani otvorenih vrata“, u novootvorenom prodajno-servisnom centru, u Glamočanima, kod Laktaša.

Novo predstavništvo

Mnogobrojni posjetioci Teknoxgroupovih „Dana otvorenih vrata“ osim praktičnog upoznavanja sa Caterpillar mašinama, imali su mogućnost i da se informišu o cijenama izloženih modela, kao i mogućnostima

njihove kupovine. Osim popularnih mašina Teknoxgroup je svojim klijentima iz ovog dijela BiH predstavio i novi servisni centar, sa mašinskim odjeljenjem i lagerom rezervnih dijelova.

- Današnju manifestaciju organizovali smo s namjerom da na jednom mjestu okupimo sve naše klijente, ali i da pozovemo one koji će to možda tek biti da dođu i da se na licu mjesta uvjere u kvalitet usluga koje nudimo. S druge strane „Dani otvorenih vrata“ u Glamočanima su imali za cilj promociju naših novih prostorija, u kojima klijentima možemo da ponudimo kompletnu



uslugu od prodaje mašina i rezervnih dijelova do njihovog servisa i remonta - rekao je Mirza Sabljica, generalni direktor Teknoxgroup BH d.o.o. Sarajevo.

Kvalitetnija usluga

Podsjećamo da se dosadašnje predstavništvo Teknoxgropa u ovom dijelu BiH nalazilo u Banjaluci, te da je u prvoj polovini 2011. godine preseljeno u Glamočane kod Laktaša (ulica Svetosavska bb, „Stara cesta“).

U okviru „Dana otvorenih vrata“ korisnici i potencijalni kupci Caterpillar mašina imali su priliku da se praktično upoznaju sa tri na bh. prostorima najpopularnija modela - hidrauličnim bagerom 319D LN, rovokopačem-utovarivačem 343E Pilot, te impresivnim utovarivačem na točkovima 950H.

- Danas smo izložili tri naše mašine - bager 319D do 20 tona, zatim utovarivač 950H, koji je naš najbolji utovarivač u toj klasi,



i kombinerku 343E, koja se pokazala kao jedna od najboljih i najučinkovitijih mašina u svom segmentu. Naravno, to je samo mali dio mašina iz bogatog Caterpillarovog programa koje našim kupcima stoje na raspolaganju - zaključio je Mirza Sabljica, generalni direktor Teknoxgroup BH d.o.o. Sarajevo.

Dodao je da Teknoxgroup osim novih Caterpillar mašina nudi i široku paletu polovnih, za koje su takođe obezbijeđeni rezervni dijelovi i servis.

NOVE MOGUĆNOSTI

Otvaranjem predstavništva u Laktašima mogućnosti Teknoxgroupa na ovom prostoru BiH su dodatno porasle. Nadam se da su i naši klijenti tokom „Dana otvorenih vrata“ uspjeli uvidjeti da smo napravili veliki napredak, zahvaljujući kojem ćemo sada



na regiji Banjaluke, Republike Srpske i jednog dijela Federacije BiH moći ponuditi još kvalitetniju uslugu prema krajnjim korisnicima - zaključio je Mirza Sabljica, generalni direktor Teknoxgroupa BH d.o.o. Sarajevo.

ORGANIZACIJA PREDUZEĆA

Teknoxgroup BH se bavi prodajom novih mašina, servisiranjem i iznajmljivanjem polovne opreme iz Caterpillarovog programa. Sjedište preduzeća je u Sarajevu, gdje se nalazi centrala, sa skladištem rezervnih dijelova i mehaničarskom radionicom. Osim toga Teknoxgroup u BiH ima i dvije poslovne jedinice, u Laktašima i Lukavcu kod Tuzle.



MOBILNI SERVIS

Osim servisa i lagra rezervnih dijelova u okviru poslovne jedinice u Laktašima Teknoxgroup svojim klijentima stavlja na raspolaganje i mobilne servisne usluge. Ovakav vid servisa podrazumijeva da mehaničari Teknoxgroupa, zahvaljući specijalno opremljenom vozilu, popravke na mašinama mogu obaviti na terenu, što krajnjem korisniku smanjuje troškove, ali i gubitke, koji eventualno mogu nastati u periodu kada mašina nije u funkciji.

